

ҚАЗАҚСТАН РЕСПУБЛИКАСЫ БІЛІМ ЖӘНЕ ҒЫЛЫМ
МИНИСТРЛІГІ

«БОЛАШАҚ УНИВЕРСИТЕТІ

КЕЛІСЕМІН

«Болашақ»
университетінің оқу-
ғылыми жұмыстар
жөніндегі проректоры
Г.А. Жусупова

« 31 » 08 2021 ж.


КЕЛІСЕМІН

«Болашақ»
университетінің
шаруашылық жұмыстары
және ақпараттық
технологиялар жөніндегі
проректоры
Б.Д. Зейтенов

« 31 » 08 2021 ж.

БЕКІТЕМІН

«Болашақ»
университетінің
ректоры, т.ғ.к. Қ.Қ. Дауренбеков
« 31 » 08 2021 ж.



«БОЛАШАҚ» УНИВЕРСИТЕТІ БІЛІМ
АЛУШЫЛАРЫ МЕН ҚЫЗМЕТКЕРЛЕРІНІҢ
САНИТАРИЯЛЫҚ-ЭПИДЕМИОЛОГИЯЛЫҚ
РЕЖИМДІ ҚАМТАМАСЫЗ ЕТУ ЖӘНЕ ОНЫ
САҚТАУ РЕГЛАМЕНТІ

Қызылорда қаласы, 2021 жыл

1. Жалпы ережелер

1.1. Осы регламент «Болашақ» университетінің білім алушылары мен қызметкерлерінің санитариялық-эпидемиологиялық режимді қамтамасыз етуін және оны сақтауын айқындайды.

1.2. Регламент университеттің білім алушылары мен қызметкерлері үшін қауіпсіз ортаны қамтамасыз ету мақсатында әзірленді және білім беру объектілеріне қойылатын санитариялық-эпидемиологиялық талаптарды ескере отырып, университет оқу ғимаратында, аумақтарында шектеу іс-шараларын, оның ішінде карантинді енгізу кезеңіне қажетті санитариялық-эпидемиологиялық режимді құруға бағытталған.

1.3. Осы регламентті әзірлеу кезінде мынадай нормативтік құжаттарға сілтемелер пайдаланылды:

1.3.1. «Төтенше жағдай туралы» Қазақстан Республикасының 2003 жылғы 8 ақпандағы № 387 Заңы

1.3.2. «Білім беру объектілеріне қойылатын санитариялық-эпидемиологиялық талаптар «Санитариялық қағидаларын бекіту туралы» Қазақстан Республикасы Денсаулық сақтау министрінің 2017 жылғы 16 тамыздағы № 611 Бұйрығы (өзгерістермен және толықтырулармен)

1.3.3. «Қазақстан Республикасының халқы арасында коронавирустық инфекция ауруларының алдын алу жөніндегі шараларды одан әрі күшейту туралы» Қазақстан Республикасы Бас мемлекеттік санитариялық дәрігерінің 2020 жылғы 25 желтоқсандағы № 67 қаулысы

1.3.4. «Коронавирустық инфекцияның таралуына байланысты шектеу шаралары кезеңінде білім беру ұйымдарында оқу процесін жүзеге асыру жөніндегі әдістемелік ұсынымдарды бекіту туралы» Қазақстан Республикасы Білім және ғылым министрінің 28.08.2020 жылғы № 345 бұйрығы (өзгерістермен және толықтырулармен).

1.3.5. Қазақстан Республикасының Еңбек кодексі

2. Негізгі терминдер мен анықтамалар

2.1. Осы Регламентте терминдер мен анықтамалар қолданылады:

Антисептикалық құрал – кең спектрлі микробқа қарсы агенттер

Дезинфекция (өңдеу) – бұл жұқпалы аурулардың қоздырғыштарын жоюға және олардың теріге, шырышты қабаттарға және жараның бетіне түсуіне жол бермеу үшін сыртқы орта объектілерінде токсиндерді жоюға бағытталған іс-шаралар кешені

Дезинфекциялық құрал – қоршаған ортадағы жұқпалы аурулардың қоздырғыштарын жою үшін қолданылатын құрал.

Қашықтықтан оқыту – бұл оқытушы мен студент ақпараттық технологиялар арқылы қашықтықтан өзара әрекеттесетін білім беру нысаны

Карантин – жұқпалы аурулардың жаппай таралуын болдырмауға бағытталған түрлі шаралар кешені (негізінен шектеу)

Карантиннен кейінгі кезең – карантиннің шектеу шаралары кезең-кезеңімен жойылатын кезең.

Санитайзер – қолды жуу қиын немесе қол жетпейтін жерлерде қол гигиенасының қарапайым ережелерін сақтау үшін қолданылатын дезинфекциялық құрал түрі

Санитарлық-гигиеналық талаптар – студенттер мен қызметкерлердің университет аумағында және оқу ғимаратында болуы үшін қауіпсіздік өлшемдерін белгілейтін талаптар

Санитарлық – ағарту және түсіндіру жұмыстары – салауатты өмір салтын қалыптастыруға, аурулардың алдын алуға, денсаулықты сақтау мен нығайтуға бағытталған ағартушылық, үгіт-насихат іс-шараларының жиынтығы

Санитарлық-дезинфекциялық режим – қолды өңдеуге арналған санитайзерлер орнатуды, күніне кемінде екі рет беттерді өңдеуді, дезинфекциялық құралдарды қолдана отырып ылғалды жинауды, ғимаратты желдетуді, залалсыздандыруды қамтамасыз ететін шаралар кешені

Санитарлық-эпидемиологиялық режим – университетте жұқпалы аурулардың таралуының алдын алуға және білім алушылардың, қызметкерлердің санитарлық-гигиеналық талаптарды мүлтіксіз сақтауына бағытталған шаралар кешені

Тепловизор – адам денесінің температурасын автоматты, жылдам және дәл өлшеуге арналған құрылғы

Қашықтан жұмыс – бұл жұмыс беруші мен қызметкер өздерінің функционалдық міндеттерін орындай отырып, бір-бірінен қашықтықта болатын жұмыс түрі

Төтенше жағдай – азаматтардың қауіпсіздігін қамтамасыз ету және Қазақстан Республикасының конституциялық құрылысын қорғау мүдделерінде ғана қолданылатын және мемлекеттік органдар, ұйымдар қызметінің ерекше құқықтық режимі болып табылатын, азаматтардың, шетелдіктердің және азаматтығы жоқ адамдардың құқықтары мен бостандықтарына, сондай-ақ заңды тұлғалардың құқықтарына жекелеген шектеулер белгілеуге жол беретін және оларға қосымша міндеттер жүктейтін уақытша шара

3. Университеттің оқу ғимаратында санитарлық-эпидемиологиялық режимді қамтамасыз ету

3.1. Университетте әртүрлі этиологиядағы вирустық инфекциялардың өсу кезеңінде алдын алу мақсатында корпустарда дезинфекция (өңдеу) жүргізу керек

3.2. Дезинфекция жүргізу үшін Қазақстан Республикасының аумағында тіркелген және қолдануға рұқсат етілген құралдар қолданылады

3.3. Университет ғимараттарын дезинфекциялауды дезинфекциялық жұмыстарды қауіпсіз жүзеге асыру бойынша нұсқаулықтан өткен қызметкерлер жүргізеді

3.4. Жеке қорғаныс құралдарын (қорғаныш халаттар, қолғаптар, әмбебап респираторлар, резеңке етіктер) қолдана отырып өңдеуді жүргізу

3.5. Дезинфекциялау және жуу құралдарын қолдана отырып, дәліздерді ылғалды жинауды әрбір 3 сағат сайын жүргізу

3.6. Дәліздерде, рекреацияларда антисептикалық құралдары бар санитайзерлер/мөлшерлегіштердің болуын қамтамасыз ету

3.7. Барлық оқу аудиторияларында, кабинеттерде күн сайын сабақ басталғанға дейін кестеге сәйкес, сондай-ақ ауысымдар арасында желдету және ылғалды жинау жүргізу, бұл ретте есіктердің тұтқалары, үстелдер, парталар, терезе алды тақтайлары дезинфекциялау және жуу құралдарымен сүртіледі.

3.8. Оқу аудиторияларын әрбір 4 сағат сайын бактерицидті шамды 15 минутқа қосу және кейіннен желдету арқылы өңдеу

3.9. Тамақтану пункттерінде бактерицидті шамдарды техникалық үзіліс кезінде әрбір 4 сағат сайын кемінде 15- 20 минут пайдалану; дезинфекциялау құралдарын қолдана отырып, әрбір 6 сағат сайын желдету және ылғалды жинау жүргізу, әлеуметтік қашықтықты сақтай отырып, үстелдерді, орындықтарды орналастыруды ұйымдастыру. Еденде белгілер болған кезде 5 адамнан артық кезектің пайда болуына жол бермеу

3.10. Тамақтану орындарында антисептикасы бар санитайзерлер/мөлшерлегіштерді қолжетімді және көрінетін жерде орналастыру керек

3.11. Тамақтану пункттерінің қызметкерлері арнайы санитариялық киіммен (халаттар, бас киімдер, орамалдар, таңғыштар), сондай-ақ жеке қорғаныш құралдарымен (әр 2 сағат сайын ауыстырылуы қажет маскалар, бір рет қолданылатын қолғаптар) қамтамасыз етілуі тиіс

3.12. Кітапханада оқу залдарын әр 4 сағат сайын залалсыздандыру, ғимаратты әр 3 сағат сайын желдету, әлеуметтік қашықтықты (олардың арасында кемінде 1 метр) ескере отырып, үстелдерді орналастыруды және үстелге 2-3 адамнан артық емес орналастыруды ұйымдастыру

3.13. Санитариялық тораптарды өңдеуді пайдалануға рұқсат етілген дезинфекциялау құралдарын қолдана отырып, әрбір 2 сағат сайын жүргізу керек

3.14. Барлық корпустардағы санитарлық тораптарды антисептикалық құралдары бар санитайзерлермен/ дозаторлармен жабдықтау

3.15. Университет аумағын дезинфекциялық құралдармен өңдеу, қажет болған жағдайда таңертеңгі немесе кешкі уақытта алдағы өңдеу туралы хабардар ету

4. Университет корпустарына кіру кезіндегі бақылау

4.1. Оқу ғимаратына келгендердің барлығының дезинфекциялық туннель арқылы өтуін ұйымдастыру

4.2. Университетке кірген кезде медбике кірген адамдардың температурасын байланыссыз термометр арқылы өлшеуді жүзеге асырады. Дене қызуы жоғары (37° жоғары) болған кезде білім алушыны, қызметкерді немесе мейманды университетке жібермеу, оларға медициналық мекемеге жүгінуді ұсыну

4.3 Медициналық маскасыз келген білім алушыларды, қызметкерлерді және келушілерді университетке жібермеу.

4.4 Әр білім алушы және әр қызметкер турникет карточкасы арқылы кіреді, өзге біреудің карточкасын пайдалануға рұқсат берілмейді.

4.5 Оқу ғимаратына кірерде Ashyq мобильді қосымшасы арқылы кіруді ұйымдастыру

5. Университет оқу ғимараттарында білім алушылардың санитариялық-эпидемиологиялық режимді сақтауы

Университеттің білім алушылары санитарлық-эпидемиологиялық режимді сақтау мақсатында өз қауіпсіздігі және басқа адамдардың қауіпсіздігі үшін мынадай шараларды сақтауға міндетті:

5.1. Университетке кірген кезде температураны өлшеуге қарсы келмеу;

5.2. Оқу үдерісі бойы бетперде режимін сақтау, соның ішінде сабақ уақытында аудиторияларда, университет корпустарында болған уақытта, өзімен бірге жеке пайдалануға арналған антисептикалық құралдары болу;

5.3. Тамақтану пункттеріне барған кезде қолды жуу / антисептикпен өңдеу;

5.4. Жуынатын бөлмеге әр кіргеннен кейін қолды жуу / антисептикпен залалсыздандыру;

5.5. Сабаққа қатысу кезінде санитарлық режимді және 1 метр әлеуметтік арақашықтықты сақтау;

5.6. Covid-19, өкпе пневмониясының немесе басқа да вирустық аурулардың белгілері болған жағдайда білім алушы ауруды және оңалтуды растайтын медициналық құжаттар негізінде қашықтықтан оқыту форматында оқуын жалғастыра алады

6. Қызметкерлердің университет корпустарында санитариялық-эпидемиологиялық режимді сақтауы

Университет қызметкерлері санитарлық-эпидемиологиялық режимді сақтау мақсатында өз қауіпсіздігі және басқа адамдардың қауіпсіздігі үшін келесі шараларды сақтауға міндетті:

6.1. Құрылымдық бөлімшелердің басшылары қызметкерлердің жұмыс кестесінде кабинеттерді санитариялық өңдеуді жүргізу үшін (ылғалды жинау, желдету және қажет болған жағдайда ауаны залалсыздандыру) әрбір 3-4 сағат сайын кемінде 15-20 минут техникалық үзілістерді ескерсін);

6.2. Қызметкерлер үшін олар бір ғимаратта бір-бірінен 1 метрден астам қашықтықта болатын жағдайларды барынша қамтамасыз ету;

6.3. Кітапхана жұмысын электронды форматта барынша қамтамасыз ету. Білім алушылар кітапханаға барған жағдайда кітапхана басшысы оқу залдарын әрбір 4 сағат сайын залалсыздандыруды, оларды әрбір 3 сағат сайын желдетуді қамтамасыз етуі, әлеуметтік қашықтықты (олардың арасында кемінде 1 метр) ескере отырып, үстелдерді орналастыруды және үстелге 2-3 адамнан артық емес орналастыруды ұйымдастыруы қажет;

6.4. Тамақтану пункттерінде әлеуметтік қашықтықты қамтамасыз ете отырып, 5 адамнан артық кезекке тұруға жол бермеу;

6.5. Білім алушылар мен қызметкерлер үшін инфографика (жадынамалар, нұсқаулықтар және т. б.) түріндегі ақпараттық материалды ұсына отырып, covid-19 профилактикасы бойынша санитариялық-ағарту жұмысын тұрақты негізде жүргізу;

6.6. Білім алушылар мен қызметкерлер арасында жеке гигиена ережелерін сақтау қажеттілігі туралы тұрақты нұсқама өткізуді қамтамасыз ету және олардың мүлтіксіз сақталуын бақылау;

6.7. Өңдеуді жүзеге асыратын техникалық қызметкерлерді (тазалаушыларды) қажетті жеке қорғану құралдарымен: халат, қолғап, медициналық маска қамтамасыз ету. Жинау инвентарлары (шелектер, щеткалар, шүберектер) пайдаланылғаннан кейін жақсы жуылады және арнайы бөлінген орындарда сақталады;

6.8. Түшкіру және жөтел кезінде пайдаланылған маскаларды, қолғаптарды, майлықтарды жою үшін арнайы орындарды қамтамасыз ету.

7. Студенттер үйінде тұратын білім алушылардың санитариялық-эпидемиологиялық режимді сақтауы

Студенттер үйінде тұратындар санитарлық-эпидемиологиялық режимді сақтау мақсатында өз қауіпсіздігі және басқа адамдардың қауіпсіздігі үшін мынадай шараларды сақтауға міндетті:

7.1. Студенттермен ұсынылған тұрмыстық немесе басқа да Қызметтерді пайдалану ережелерін, өрт қауіпсіздігі ережелерін немесе электр құралдарын пайдалану нұсқаулықтарын сақтау бойынша жұмыс жүргізу, сондай-ақ Студенттер үйінде тұрудың ішкі тәртібі қағидаларымен таныстыру;

7.2. Медициналық қызметкердің Студенттер үйінде тұратындардың денсаулық жағдайына бақылауды күшейту;

7.3. Студенттер үйінде санитарлық-эпидемиологиялық режимнің сақталуын бақылауды күшейту (қатаң бетперде режимін сақтау, қолды өңдеуге арналған санитайзерлер орнату, жалпы орындарды күніне кемінде екі рет толық санитарлық және дезинфекциялық өңдеу жүргізу, жуу және дезинфекциялау құралдарын қолдана отырып ылғалды жинау, жиі өтпелі желдету);

7.4. Санитариялық-дезинфекциялық режимді күшейту: күн сайын күніне 4 рет жатақханалардың ғимаратын кестеге сәйкес санитариялық-профилактикалық өңдеуді жүргізу; барлық бөлмелерді желдету, санитариялық тораптарда бактерияға қарсы құралы бар дозаторлар орнату.

8. Санитарлық-эпидемиологиялық талаптарды сақтай отырып оқу процесін ұйымдастыру

Сабақ кестесін әзірлеу және бекіту;

8.2. Үзілістерде әртүрлі академиялық топтардың шамадан тыс көбейіп кетпеуін қамтамасыз ету үшін қоңыраулардың жылжымалы кестесін белгілеу және

кестеде ауаны залалсыздандыру мен желдетуді қоса алғанда, аудиторияларды санитарлық өңдеуді жүргізу үшін оқу сабақтары арасында үзіліс көздеу;

8.3. Ылғалды жинау жүргізу үшін «үлкен» үзіліс көздеу;

8.4. Санитариялық-эпидемиологиялық талаптарды ескере отырып, аудиториялық қордың сабақтар өткізуге дайындығын қамтамасыз ету;

8.5. Сабақ кестесін қалыптастыру кезінде мыналарды ескеру қажет: аудиториялардың толықтырылуы (элеуметтік қашықтық – 1 шаршы метрге 1 адам, зертханаларда 5 шаршы метр.);

8.6. Білім алушылардың 1 шаршы метрге 1 адамнан элеуметтік қашықтықты ескере отырып, спортзалда болуын қамтамасыз ету, бұл ретте залды толтырудың 40% - ынан аспауы тиіс.

Ғылыми кеңес отырысында қаралып, бекітілді.

№ 1 хаттама « 31 » 08 2021 жыл

